



Na osnovu čl. 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj: 23/04), član 13. Odluke o izvršavanju Budžeta za 2025. godinu (Službene novine KS, broj: 52/25), člana 7. Pravilnika o dodjeli sredstava za sufinansiranje troškova vanrednog školovanja, prekvalifikacije i dokvalifikacije nezaposlenih osoba („Službene novine Kantona Sarajevo“, broj: 10/25 i 9/26), i Odluke o pokretanju postupka raspisivanja i provođenja javnog poziva, broj: 13-45-51/26 od 10.03.2026. godine, Općinski načelnik upućuje

## **JAVNI POZIV** **za dodjelu sredstava sufinansiranja troškova vanrednog školovanja,** **prekvalifikacije i dokvalifikacije nezaposlenih osoba**

### **1. OPIS PROGRAMA**

Cilj ovog programa je prekvalifikacija, dokvalifikacija i vanredno sticanje srednjoškolskog obrazovanja nezaposlenih osoba sa područja Općine koje nemaju završeno srednje obrazovanje bilo kojeg stepena, odnosno sticanje znanja i vještina nezaposlenih osoba kako bi se povećale njihove mogućnosti za pronalazak zaposlenja.

Ukupan iznos sredstava planiranih za ovu namjenu u Budžetu za 2026. godinu iznosi 15.000 KM. Općina zadržava pravo da izmijeni / uskladi iznos planiranih sredstava u skladu sa izmjenama budžetskih dokumenata u toku godine.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

### **2. PRAVO NA DODJELU SREDSTAVA** mogu ostvariti osobe koje:

- a) su starosti od navršених 18 do 55 godina starosti,
- b) imaju prebivalište na području općine Centar Sarajevo u neprekidnom trajanju od godine dana do dana podnošenja zahtjeva;
- c) se nalaze na evidenciji službe za zapošljavanje najmanje 3 mjeseca,
- d) nemaju nikakvih novčanih primanja.

Vanredno školovanje, prekvalifikacija i dokvalifikacija može se vršiti u obrazovnim ustanovama za obrazovanje odraslih, upisane u registar kod kantonalnog ministarstva nadležnog za oblast obrazovanja, a koje rade po odobrenom programu formalnog obrazovanja odraslih za sticanje srednjeg obrazovanje.

### **3. TRAJANJE JAVNOG POZIVA I NAČIN PODNOŠENJA ZAHTEJEVA**

Javni poziv se objavljuje na web stranici Općine i ostaje otvoren tokom cijele godine, odnosno do utroška sredstava .

Sredstva za sufinansiranje troškova školovanja dodjeljivat će se na osnovu podnesenih zahtjeva. Zahtjev sa dokumentacijom podnosi se službi nadležnoj za obrazovanje Općine Centar Sarajevo elektronskim putem, preporučeno putem pošte ili putem protokol Općine Centar Sarajevo ulica Mis Irbina 1. Dostavljeni zahtjevi rješavat će se po vremenu prispjeća.

### **4. POTREBNA DOKUMENTACIJA**

Podnosioci zahtjeva obavezni su uz prijavu dostaviti slijedeće dokumente (original ili ovjerene kopije):

- a) Uvjerenje o kretanju za podnosioca zahtjeva,
- b) Uvjerenje/potvrdu o upisu u obrazovnu ustanovu;
- c) Predračun/potvrdu obrazovne ustanove o visini troškova školovanja, prekvalifikacije/dokvalifikacije
- d) Potvrdu da se podnosilac zahtjeva nalazi na evidenciji za nezaposlene,
- e) Izjavu da podnosilac nije za ovu namjenu ostvario finansijsku podršku drugih institucija, ustanova i sl.
- f) Uvjerenje porezne uprave da podnosilac zahtjeva nema dodatnih primanja po osnovu obavljanja samostalne djelatnosti ličnim radom i po osnovu izdavanja u zakup stambenih jedinica i poslovnih prostora.

## **5. VISINA NOVČANIH SREDSTAVA**

Visina odobrenih sredstava po jednoj osobi ne može biti veća od 2.500 KM (bruto iznos). Ukoliko su troškovi školovanja manji od navedenog iznosa, Općina će finansirati troškove u potpunosti.

## **6. OBAVJEŠTAVANJE KANDIDATA I PODNOŠENJE PRIGOVORA**

Služba će u roku od 7 (sedam) dana od dana prijema zahtjeva utvrditi da li su ispunjeni uslovi za dodjelu sredstava, te obavijestiti podnosioca zahtjeva.

Svaki podnosilac zahtjeva može podnijeti prigovor Komisiji za razmatranje prigovora u roku od 7 dana od dana prijema odluke o svakom pojedinačnom zahtjevu.

Odluku o prigovoru Komisija donosi u istom roku od dana podnošenja istog Komisiju imenuje Općinski načelnik, a svaki član Komisije će biti isključen iz postupka dodjele ukoliko se utvrdi da je u sukobu interesa u odnosu na podnositelja prijave.

Osobe koje učestvuju u postupku dodjele sredstava bit će isključene iz postupaka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

## **7. OSTALE INFORMACIJE**

Pravo na dodjelu sredstava ne mogu ostvariti osobe koje su za tu namjenu dobile finansijsku podršku drugih institucija, ustanova i sl, kao i osobe koje su već ostvarile pravo na sufinansiranje troškova u punom iznosu. Dodijeljena sredstva se mogu iskoristiti za sticanje samo jednog zvanja.

Sredstvima planiranim za ovu namjenu neće se finansirati obuka za strane jezike, informatiku i vozački ispit.

Za sve dodatne informacije zainteresovana lica mogu pozvati broj telefona: 033/562-456 ili uputiti upi na e-mail: obrazovanje@centar.ba.

OPĆINSKI NAČELNIK

**Srđan Mandić**